



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二八〇

培遠堂偶存稿五十八卷（文櫟四十八卷文稿十卷）補編一卷

（文櫟卷一至卷二十九） 陳宏謀 撰

培遠堂偶存稿

文檄總目

卷一

雲南布政任

卷二

雲南布政任

卷三

雲南布政任

卷四

培遠堂偶存稿

文檄總目

雲南布政任

卷五

天津道任

卷六

天津道任

卷七

天津道任

卷八

天津道任

培遠堂偶存稿

卷九

天津道任

卷十

江蘇按察任

卷十一

江蘇按察任

江西布政任

卷十二

江西巡撫任

培遠堂偶存稿

文檄總目

卷十三

江西巡撫任

卷十四

江西巡撫任

卷十五

江西巡撫任

卷十六

江西巡撫任

卷十七

陝西巡撫任

卷十八

陝西巡撫任

卷十九

陝西巡撫任

卷二十

陝西巡撫任

卷二十一

巡撫任

培遠堂偶存稿

文檄總目

陝西巡撫任

卷二十三

陝西巡撫任

卷二十四

陝西巡撫任

卷二十五

湖北巡撫任

卷二十六

陝西巡撫再任

卷二十七

陝西巡撫再任

卷二十八

陝西巡撫再任

卷二十九

陝西巡撫再任

卷三十

陝西巡撫再任

培遠堂偶存稿

文檄總目

卷三十一

河南巡撫任

卷三十二

河南巡撫任

卷三十三

福建巡撫任

卷三十四

福建巡撫任

卷三十五

陝西巡撫三任

卷三十六

陝西巡撫三任

甘肅巡撫任

卷三十七

湖南巡撫任

卷三十八

湖南巡撫任

卷三十九

培遠堂偶存稿

文教總目

五

陝西巡撫四任

卷四十

江蘇巡撫任

卷四十一

江蘇巡撫任

卷四十二

兩廣總督任

卷四十三

江蘇巡撫再任

培遠堂偶存稿

卷四十四

江蘇巡撫再任

卷四十五

江蘇巡撫再任

卷四十六

江蘇巡撫再任

卷四十七

江蘇巡撫再任

卷四十八

培遠堂偶存稿

文教總目

六

湖南巡撫再任

三

培遠堂偶存稿

桂林陳宏謀榕門著 子鍾珂 孫蘭森編

文檄卷一

查禁土司承襲派費檄 雍正十一年

土司襲職乃國家賞延於世之盛典如果合例卽應秉公辦理乃聞有以土司爲可啖之物以襲職爲可居之貨各衙門使費動輒累百盈千胥役索之土官土官派之百姓頭會箕斂苦累甚深該府屬之土富培遠堂偶存稿 文檄卷一 滇藩 一

州現在請襲本司風聞竟有大胆棍徒於中包攬上下衙門使費派至數百金并聞本司衙門亦派有費用等語當此澄清吏治弊絕風清之日豈容若輩恣行婪賄苦累土民除一面密查訪的拿究外合行嚴查該府文到卽便密查該土州襲職事宜某某衙門需索使費若干據實密詳以憑嚴拿盡法究處該府素稱廉幹務須一秉至公剔除積習不得稍有瞻徇亦不得以該府衙門亦有陋費便爾回護如含糊牽覆別有訪聞大千未便母忽

徵收公件不許加耗檄示 雍正十一年五月

滇省徵收錢糧於額徵米折條丁而外有公件一項其數有比條丁之半者有多於條丁至一二倍者此卽係當年徵收襍派嗣經報出各大人恐屬員藉此多收故逐處籌畫核存本官養廉及地方公事多於此內支取官得免於賠累民得免於剝削以公完公於體恤之中寓防閑之意並不許令再加火耗以飽無厭之壑也近聞日久弊生各州縣中竟有忘乎公件一項已屬額外之徵徵收時又思染指借銀色低培遠堂偶存稿 文檄卷一 滇藩 二

潮名色任意再加火耗公件如此則條丁之火耗於加二之外再有增加以及襍稅錢糧亦復多收亦未可定爲民父母觀此窮苦蒼黎全無體恤惟所欲爲脂膏日削地方必至凋弊既乖職守亦喪良心本應指名揭叅以懲貪墨姑行嚴飭急望改圖仰該官吏卽便遵照轉飭各屬宜思養廉辦公各有所資穿衣喫飯總荷

皇恩張蓋乘輿無非民力省得一分民受一分之益卽銀色不等估至足紋而止毋得借端虧折如係頭

人代收繳納必須留意稽查嚴行示禁毋任展轉剝削該府爲一郡表率務宜時加體察慎無稍存瞻徇徼行之後如該州縣尚不洗心滌慮於公件一項再加火耗於條丁銀兩定例之外再有加增者真屬下愚不移本司職任旬宣法難姑縱一經訪確定行嚴揭請叅勿謂言之不早也慎之凜之毋忽除通行各屬外合行發示曉諭爲此示諭司屬漢土民人知悉凡公件再加火耗額外多收之弊本司已經通行嚴禁爾等應完正糧錢糧務須及時完納不得延捱躲培遠堂偶存稿

文檄卷一

三 滇藩

閱藉端拖欠出示之後如再有頭目吏役人等猶藉公件火耗名色恐嚇寨民包攬多收者許赴地方官呈告以憑盡法嚴處本司採訪最確執法最嚴決不姑縱以貽爾民之害也

清釐普濟堂詳 雍正十一年五月

普濟堂之設所以收養疲癯施恩窮獨實王政之所首先雍正二年欽奉

上諭於通邑大都照京師例舉行

皇仁廣被普遍寰區滇省於雍正四年經常陞司具詳各憲共爲捐貲經畫度地建堂規條詳備設有正副堂長二人醫生一人水火夫六名其收養之人每日每人給以京升八合薪蔬油錢十文鹽五錢歷任各司亦復遞加整理數年以來收殘喘而登衽席肉培遠堂偶存稿

文檄卷一

四 滇藩

白骨而起沉痾者奚可悉數恩至渥德至厚也本司蒞任以來檢閱成案思欲永善政於可久繼美意於前徽切加體訪親詣堂中竊以恩無冒濫斯實在無告之民方得沾恩弊必剔除則日久遵行之政庶無鼓弊伏讀

上諭內開年力尙壯遊手好閑之人不得借名混入以長浮惰而生事端欽此仰見

睿慮周詳早已防其流弊今查現在普濟堂中共收養二百數十人而不老不病及有子息可依者俱屬

其中更有不安本分妄生事端如近日孫世奇溫寬王親李岐山等在堂酗酒唆訟捏名誣告之事夫既能唆訟酗酒則非衰老殘疾可知若以養老賑窮之地竟爲藏奸納垢之場房屋有限經費有常現在卽有實在貧老無依之民亦難收養非所以廣

皇仁宣憲德也伏查前督憲鄂刊定普濟堂條例內開凡年六十以上不能生活餬口而無所依倚者疲癯殘疾兩足不能行走者該地保查明確實方准入堂等語乃以日久弊生不能秉公詳察捏結混收費培遠堂偶存稿

文徵卷一

五

滇藩

廩精而長遊惰非設堂之本意除將現在許訟之孫世奇等俟審明斥逐外應請將堂中非老非病尙可謀生及有子息可以依靠者秉公量爲裁汰將本地方實在老病無依之人驗明取結收入堂中庶幾恩無冒濫實在窮民得沾實惠

皇仁憲德永永無極矣再現在普濟堂前後共小屋六十六間每間至宿四五人出入擁擠兼防火燭昨本司相度堂後及西邊尙有隙地本司已捐資先行添造房屋二十間就中分別居住有病者一處無病

者一處無病而有殘疾者一處庶彼此相安亦免穢氣薰蒸查前陞司以普濟堂日用銀兩每年約需銀一千三百餘兩內止有省城棉花稅規銀三百兩小東門外官房租銀約值五十餘兩不饑會撥入堂內租米約值銀六十餘兩三項共銀四百餘兩其不敷銀兩請於公項銀內放給等因經前司於雍正六年三月內詳奉前憲批准遵照在案倘將來堂內收養漸多銀米不繼本司當另行設法詳請憲示再向來收養之人皆由縣查驗而縣事殷繁不能逐加親驗雖經取結不無混今請專委本司經歷司管理有具呈者飭發當堂驗訊取結報查如有應收不收及不應收而冒濫以及支放侵扣料理失宜俱惟該經歷是問仍令不時在堂查察庶事有專司恩無濫及於堂務不無裨益是否有當稅乞憲臺鑒核批示遵行

文徵卷一

六

滇藩

軍務賞恤詳 第十一一年五月

普思元新軍務出征兵丁於酌定賞恤等事案內奉
檄准咨行司查議經陞司議頭等奮勇者賞一兩重
銀牌一面二等者賞五錢重銀牌一面三等者賞三
錢重銀牌一面臨陣擒殺首惡者賞銀十兩殺獲羣
賊首級者賞銀二兩陣亡者賞銀八兩重傷者賞銀
二兩輕傷者賞銀一兩微傷者賞銀五錢病故者賞
銀五兩詳奉批准咨呈提督轉行遵照又准提督咨
於迤西道庫動銀二千兩帶往軍前交該標孫遊擊

培達堂偶存稿

文檄卷一

七

滇藩

經管賞給嗣據各標鎮營將陣亡病故兵丁開報請
恤前來奉署憲檄令賞給當即遵檄在司庫發賞者
有之轉令地方官就近賞給者有之後軍前開報陣
亡帶傷者爲數甚多又未聲說軍前有無領過賞恤
難以查核是以至今未曾領賞者亦有之夫同爲奮
勇出力之兵丁而有無各異先後偏枯何以示激勸
而服衆心事不盡一難以辦公誠有如憲檄所云者
今本司遵照憲檄應移行普洱元新總統將領查明
出師兵丁土練自軍興起至今止有應賞應恤者分

培達堂偶存稿

文檄卷一

八

滇藩

別奮勇等次受傷重輕登明陣亡病故緣由並或在
軍前或在司庫或在各地方官已領過銀若干未領
若干或全未請領備細造冊加具不致捏冒印結移
司核實轉詳照詳定之例分別賞給未領者即行發
給不足者即行補賞庶免先後偏枯又查賞號銀兩
原應即時發賞使奮勇出力之兵練得沾實惠今臨
安一路之董總兵元江一路之楊總兵俱有酌發備
賞銀兩除遵將賞格移知以後照例隨時給領外至
普思攸得元江所屬猛野等處堵剿官並臨安蒙自
等處遊巡堵截兵丁亦應酌撥賞號銀兩但恐地方
零星支放不便致滋冒濫應令帶兵之武員將應賞
應恤之兵練開移附近軍營之文員查實即當賞給
以示鼓勵查臨安一路之臨安府城及蒙自五寨波
頭等處現委臨安石守駐劄適中之地總理糧務應
令該處領兵備弁將應賞兵練開移石守查實就近
照例即時發賞元江一路之猛野猛列土戛他郎把
邊通關哨等處現在陞任元江府祝守駐劄適中之
地總理糧運應令該處領兵備弁將應賞兵練開移

祝守查實就近即時照例發賞至普思攸茶等處一路賞號護普洱鎮周副將前的發備賞銀可已經賞給無存如有應賞之處應令於普庫內動支即時發賞如不附近該鎮之處應專委思茅通判劉倅駐劄適中之地除協辦糧務外遇有應賞之處令軍前將弁將應賞兵練開移該倅查明就近發賞其應需銀兩卽於普洱府庫支取仍飭該文武不得浮捏冒領濫給至於臨元兩路賞銀該府等俱有詳發備用軍需卽於此內動支毋庸另行酌發再奮勇殺賊帶傷培遠堂偶存稿 文檄卷一 九 滇藩

兵練隨時賞給以示鼓勵毋庸議外至陣亡病故兵練軍前恐無的屬恤賞銀兩未便卽發致滋濫費應令領兵官一面開報憲臺一面備移本司并本標鎮營查明亡故兵丁有無的屬出具結領照例陣亡者賞銀入兩病故者賞銀五兩卽於本地方官處支領該地方官不拘何項動支會同營員當堂卽時發賞事竣請領還項以免捏冒花銷并省差解往返之繁但軍前亡故之時收殮體骨不無需費應令領兵官及總理文員於賞號銀內另賞銀一兩以爲收殮之

資交親丁承領收化回籍如無親丁卽交千把隊日代爲料理庶免骸骨遺棄其動給銀兩事竣造入賞號冊內報銷至土練一項原係輸糧力作之貧民一經奉調出兵卽與兵丁一體効力雖定例陣亡帶傷係照步兵減半賞恤而目下正在軍前出力現在賞號自應仰邀憲恩一視同仁請照現賞兵丁之例行賞除頭二三等奮勇臨陣擒殺首惡并殺獲羣賊首級以及帶傷重輕賞給兵丁之例一體賞給以示鼓勵其陣亡土練前議請照兵丁之例每名賞銀八兩培遠堂偶存稿 文檄卷一 十 滇藩

業蒙批准在案惟病故土練前議每名只賞銀三兩今應一體請照兵丁之例每名賞銀五兩再查軍前賞恤既照兵丁之例則亡故之土練骸骨未便任其暴棄亦應照兵丁之例另給銀一兩交該土練親信之人以爲收殮之資如無親信之人卽交該管之土目承領代爲料理收殮回籍庶土練咸知感激奮力用命所需銀兩亦卽於賞號銀內動給事竣入冊報銷又檄開員弁如遇事故應如何量行資助查從前剿撫各案員弁事故原無資助之例惟官兵進藏有

病故千把總每員給銀五十之例今奉調出征普思
元新等處雖與奉遣進藏遠涉異域不同然於險惡
瘴癘之鄉捐軀 王事殊堪憫惻除帶傷之官弁現
有俸薪似可毋庸議給外其陣亡傷亡及軍前病故
之守備照進藏千把例每員給銀五十兩千把總每
員照進藏例減半給銀二十五兩以爲收殮殯葬之
資其銀亦於賞號銀內動支至外委千把悉照兵丁
之例恤賞毋庸另議其動支銀兩事竣彙入亡故兵
丁恤賞冊內報銷又奉檄開昭通案內陣亡帶傷病

培遠堂偶存稿

文檄卷一

十二

沈藩

故漢土兵練先賞三兩八兩十兩十二兩不等餘候
造冊送部核覆到日再行扣算補給又剿捕魯魁案
內先經賞給銀兩部覆應於恤賞銀內扣除在案是
先賞之銀卽在例賞之內今普思元新議賞之銀或
在例賞之內或係格外於軍前賞號銀內開銷飭令
一併酌定以便將來造冊報銷等因查昭通案內陣
亡帶傷病故漢土兵練先賞銀三兩八兩十兩十二
兩不等後於

皇恩案內搭同現在兵丁賞銀登明亡故兵丁除照

現兵賞給銀兩外加卹銀三兩畫一造冊准銷在案
又勦魯魁案內陣亡帶傷病故漢土兵練除先賞銀
三兩三兩以至五兩不等事竣造入軍需賞號冊內
報銷繼將亡故兵練造冊題請議恤奉准部覆查病
故兵練已經賞過三兩五兩不等毋庸議外至陣亡
帶傷兵練俱照定例恤賞令將先經賞過銀兩於例
賞銀兩扣除還項在案則此昭通魯魁二案先賞之
銀原卽於例賞銀兩內扣除今普思元新案內議賞
銀兩亦應照昭通魯魁事例內除頭二三等奮勇臨

培遠堂偶存稿

文檄卷一

十三

沈藩

陣擒殺賊首以及殺獲羣賊首級賞給銀牌銀兩並
酌給收殮之資均於賞號雜欸冊內造報請銷其陣
亡帶傷病故之備弁兵丁土練將來議叙造冊詳請
題恤均有例賞銀兩現今議賞兵練及資助備弁銀
兩均請於例賞銀內扣算可也

飭查扣短夫馬工料檄

雍正十一年六月

普思元臨案內飭令各屬購買馬騾僱覓人夫押解軍前以供馱載所有夫馬援照烏東事例每馬日支草料銀五分馬夫日給工食銀四分於軍前總協理處按日給發令其上緊喂養毋使馬匹疲瘦難堪馱載致悞軍機詳請題明久已飭行遵照在案各處俱經本司發有軍需銀兩自應及時給發使夫役得以奔走馬匹得以喂養各州縣亦免賠累近據阿迷州申詳據管馬家人請發自二月初一日至四月初七培遠堂偶存稿

文檄卷一

十三

滇藩

清查馬匹倒斃詳

雍正十一年六月

各屬買解軍前長馬原令自帶銀兩或多餘馬交管馬人役如遇倒斃即行買補以供馱運如無餘馬又無多帶銀兩令軍前各官一面借給購補一面移明本地方差解還項俱經飭行遵照在案今查各屬中報到倒斃者雖據稱馱運艱苦亦半由管理不得其人喂養不能如法以至疲瘦者不堪馱運倒斃者又不行買補及將疲瘦撤回反得安然卸責役免伺應官無賠墊而急公之州縣差役小心喂養得法馬匹

培遠堂偶存稿

十四

滇藩

不致疲瘦間有倒斃隨又備價購補至今尚在馱運家人衙役經年伺應速糧運而紆民力實於軍務有濟較之倒斃不即買補疲瘦即行撤回者其苦樂已不均矣及至事竣之後倒斃之馬驗明耳尾例准報銷疲瘦之馬曾於烏東案內又經詳明每匹准帮銀三兩今次自必援例是既無賠墊於先又得開銷於後而未經撤回之州縣勢必以未經倒斃例不開銷不知此項馬匹雖未倒斃而馱運日久僅存皮骨原買之馬及購補之馬均難復賣原價反不能如久經

撤回者按數開銷毫無虧折是既多賠於先開銷反
少於後其苦樂尤不均也本司道謬議凡馬匹不堪
供運全行撤回之州縣倒斃馬匹如在軍前報過總
理驗明耳尾倒斃每十匹只准開銷六匹五匹准開
銷三匹其餘馬價令該員賠補同現存撤回疲瘦之
馬悉照價一併解繳其馬現在供運之州縣以原奉
行員馬十匹爲率全數倒斃又經買補者倒斃之馬
報過驗明耳尾照昭東事例全數准銷若原未倒斃
并倒斃不及過半者亦准其報倒六匹以補供運日

培遠堂偶存稿

文檄卷一

十五

滇藩

久原馬疲瘦之賠墊其餘存剩撤回之馬照原價變
解還項至於原馬已經倒斃隨帶餘馬抵補及於軍
前買補之馬將來變價難如原數若不議幫亦爲偏
累今擬買補供運之馬復有倒斃報過驗明耳尾照
數准銷其餘存剩撤回之馬亦以十匹爲率每十匹
准其開銷四匹五匹開銷二匹卽將馬匹疲瘦倒斃
已經撤回前議不准報銷之馬價撥給倒斃卽行購
補之州縣以抵變價不敷之賠累如此分別開銷庶
無偏枯且使慎重公務之員知得免於賠累自必益

加小心喂養馬匹之倒斃愈少於糧運尤有裨益矣

培遠堂偶存稿

文檄卷一

十六

滇藩

出師土練永免身差詳

雍正十一年六月

普思元新逆夷勾結滋擾爲害地方奉調漢土兵練協力勦擒兵丁土練名目雖分効力則一而各屬土練平時耕田納賦臨時奉調操戈搜山躡蹻追擒堵勦向前出力事竣歸農仍然自食其力較之兵丁更堪憫惻近蒙

皇恩給與口糧賞號並給家口餉米陣亡病故俱照兵丁一例賞給銀兩其家口長支餉米又蒙憲恩悉照生存土練撤回歸農之日住支體恤加恩已云周培遠堂偶存稿

文檄卷一

七

漢藩

至惟事竣撤師之後土練不得與兵丁一例邀賞而陣亡及軍前病故之士練其家屬子弟不得與陣亡之兵丁頂入名糧似宜再加優恤以示鼓勵本司伏查烏東軍務案內嵩明南寧運糧人夫被殺除賞銀外准其永免身差嗣後奉調各屬土練設有陣亡及軍前病故之人除照兵丁一例賞銀外仍請照烏東事例免其子弟身差若無子弟卽查明的屬亦准免其身差飭令地方官給與執照及身而止則亡故土練之家屬得被恩施卽生存者亦無不觀感鼓勵至

於生存土練凱旋之日飭令各該地方官備辦猪羊牛酒迎勞以示鼓勵仍將伊等入冊如遇

皇恩有加恩兵丁之處出師土練亦得一例邀賞就中酌分等次庶出征土練人人有賞恤之望自必益加奮勇矣

培遠堂偶存稿

文檄卷一

八

漢藩

整理學宮慎重丁祭撤

雍正十一年七月

地方風化起於學宮官司職守莫先祭祀滇省學宮
祭典屢蒙大憲諄切申飭又經前督憲鄂釐定禮文
祭器考訂位次頒發條約圖冊精詳周至允宜遵守
乃細訪所屬奉行惟謹者固亦有人而漫不經心任
其荒廢者亦復不少如殿祠廊廡則上漏旁穿牆壁
櫺櫺則東傾西塌庭除有人畜之穢几案皆烏鼠之
跡木主欹斜龍櫺塵積印官教官熟視之若無覩也
春秋兩祭奉行故事凡百供陳委諸僕隸先事既不
培遠堂偶存稿

文檄卷一

十九

滇藩

躬親臨時復不省視以致羸瘠之牲牢污濁之殂醢
蒙垢之粢盛含蛙之栗棗種種不堪雜然並進執事
漫無告誡宿齋不復舉行不過五鼓排班勉強一拜
任聽書役隨從竊取祭品攘奪燈燭拜獻未終几筵
狼藉豆登未撤燎炬無光他如禮文之苟簡執事之
錯謬樂舞之生疎登降進退之愆忒有非指數所能
盡者特行申諭屬守令教官知悉各宜凜遵前督
憲頒行條約整飭學宮恪恭祀事壞者葺之闕者補
之剥落者丹雘之欹斜錯亂者排正之龕几不時拂

拭殿庭不時掃除蕪蔓不時剪刈人畜作踐不時防
禁務使廟貌煥然庭除修潔庶以妥

聖靈而肅觀瞻至於二丁之祭務須恪遵典禮祇奉
章程牲牲必肥膾品物必豐潔省牲視器一一躬親
同宿祭所必誠必敬自官司以逮奔走內外皆祇肅
之人自降神以及撤饌始終無懈怠之意該屬試思
里巷小民於尋常寺廟猶知設法興修豈以民社之
司師儒之長反不如里巷小民乎賓客往來尋常宴
饗猶須致敬盡禮豈恭承大祭任意褻越反不如尋
培遠堂偶存稿

文檄卷一

三十

滇藩

常之宴饗乎況修葺整理爲費幾何齋宿省視爲勞
幾何是可苟也孰不可苟本司職任旬宣志在敦崇
典禮 學宮重地丁祭鉅典一任玩忽罪干不敬言
之不無過激心切望於遵行願與各屬共勉之

預籌運糧事宜詳 雍正十一年七月

普思軍興已及年餘所需軍糧不能不動撥各屬而軍營附近之地往來如織夫役維艱又不能不令各屬糧夫徑運軍前以均勞逸衆擎易舉法原善也但自運糧以來各屬糧夫遠入瘴鄉多者十餘站少亦不下七八站糧米不能卽交隨營時有驅使有染瘴病故者有偷食軍糧回時仍令原戶賠補者有按照往回日期於原戶派加盤費者有至今尚未寧家者遠運之不便較之立法之初原自不同也目今賊巢培達堂偶存稿 文徵卷一 滇藩

雖漸已搗破而搜勦餘孽留兵彈壓口糧在所必需除米石於附近多米之州縣另詳請撥并郭守等請委佐襍以備差遣之處另行酌委詳報外至運腳一項如仍前飭令各屬人夫直運軍前不但撥運數次苦累已深且人人視爲畏途誰肯輕生應募卽重價倍賞難免違悞本司道遵奉憲批再四思維誠莫若按站給價沿途遞運米石不俟盤量不須守候民力可以稍紓人夫踴躍軍糧不致貽悞如迤東運至元江一路動撥附近之河西新興習戕等處州縣米石

每米一石每站照例給腳銀一錢六分五釐現價僱運飭令該州縣製備緊密堅固口袋或差佐襍或差妥的家人跟隨押運直至元江交卸其附近軍營之州縣爲各處總匯既運本處兵糧又替各屬接運當另行籌畫以免偏枯苦累如新興河西僱夫一站運交習戕縣署戕僱夫一站運交新平縣之羅呂鄉新平縣僱夫自羅呂鄉一站至楊武壩又一站至青龍廠由青龍廠至元江府一站向係元江府僱夫接運但查新平甫經兵燹楊武壩一帶十室九空夫役難培達堂偶存稿 文徵卷一 滇藩

於多覓而由元江府至軍營均係元江府僱運則未至元江府之青龍廠一站未便又令元江府接運足新平元江二處站數亦宜均勻夫馬亦宜協帮今查有雲南府昆明縣奉買馬匹久經撤回馬龍州陸涼州二屬原未運糧亦未買馬應令該府州縣各買馬三十匹共一百二十四匹照例僱募馬夫製備鞍架運差妥役解交新平縣驗收於羅呂鄉楊武壩青龍廠三處安站直遞運至元江府交收省元江府一站之力以爲尾運軍營之地其元江府尾運所需似應將